

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

子部
第三二冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

24374/10

四庫全書存目叢書·子部三二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 50.5 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第三二冊目次

子部・兵家類

古今將畧四卷

〔明〕馮時寧輯
中國科學院圖書館藏明遺經堂刻本

..... 一

嶺西水陸兵紀二卷附拙政編一卷

〔明〕盛萬年撰
北京圖書館藏清雍正寶綸堂刻本

..... 一八七

左氏兵畧三十二卷（一）

〔明〕陳禹謨撰
中國科學院圖書館藏明萬曆吳用先等刻本

..... 二三〇

古今將畧四卷

〔明〕馮時寧輯

中國科學院圖書館藏明遺經堂刻本

附《四庫全書總目·古今將畧

四卷》提要

古今將畧序

余觀史氏稱忠勇善戰者多好
讀左氏春秋切疑左氏爲文章
家宗好讀者曷稱善戰善戰非
古也涿鹿鬼方獫狁聖王不得

序一

已而用之春秋則五伯爭盟羣
雄角力無日無戰矣左氏錄其
戰而紀其事讀其文如甲騎交
馳戈矛互擊當時將兵者所指
麾進退緒略犁然如見蓋余亦

肯讀而得之如原繁之陣魚麗
魏舒之變戰車士季之七覆敖
前吳員之三出肆楚知罃之三
分四軍荀偃之左實右僞以至
鄭突以覆敗翟萇以鼓奔齊
樂枝僞遁曳柴以瑕誘敵縱採
伍亂掬舟中之時宵奔聽城上
之烏纚纚乎其文非戰戰孰
非畧卽異時兵家所爲武經七
篇諸書亦不出此孰謂好讀者

不善戰哉邊陲多警遠餉每每
苦未聞將將未聞畧夫霍將軍
不學古兵法而又曰臨敵制勝
在方畧何如余以爲法非畧而
知法始可以語畧知畧始可以
語將譬之方非劑而知方乃可
以語劑知劑乃可以語醫自古
登壇援枹士以狂疾策勛者靡
不有畧將安可以無畧哉年侄
馮以一取春秋以後臯我

朝凡以將顯者紀其人敘其績而證以七篇諸書所載兵法爲古今將畧四卷大都取裁于左氏顧左氏言人與事而不言法七篇諸書言法而不言事與人

序四

是書紀其人則名震而士思慕敘其績則事核而士思奮證以法則言有據而士無敢矯誣君之用心勤矣士能挾而讀讀而好詎無有如史氏所載忠勇善

戰者出爲

國家用哉日聞酉跳梁邊吏告變

王上拊髀諸司推轂誠願得一知畧者橫行匈奴中余固樂其

序五

成而爲之序

南京太常寺卿李維禎書



古今將畧凡例

一用兵昉自軒轅迄于商周而鬼方嚴狃之
伐皆先修內以攘外誠王師也至五霸七
雄作而春秋列國胥以權謀智術角勝負
兵斯奇矣若漢唐宋及我

朝英豪輩出代不乏人而料敵制勝之方班班
可考故是編由古今悉籍記之

一湯武放伐之事雖云順天應人然于大義
古今將畧凡例

有乖而後世姦雄僭竊如莽溫安史之徒
往往藉爲口實余故不敢載蓋以扶萬世
之綱常云

一漢唐宋創業中興之主雖非將帥者倫然
其雄才大略顯於武功者烏可無紀故我
高成二祖之神謨庸謨亦敬錄之

文臣雖未嘗親冒鋒刃而建議廟庭運籌
帷幄者均之爲謀畧也胥錄之以備采擇

一畧意以制勝爲主間有詩書未當節制
遵而偶遭挫折者亦錄其一二以爲明鑒
仰臨敵知所警戒云

一方畧先敘于前爲案皆縈括傳文仍依時
代序次至一人而有數事者則類比之以
便參閱

一兵法引證于後爲斷皆出自七書但詳其
語意切當與畧相符者取之不必七書皆

古今將畧凡例

備亦不計其重複云

一考七子世次太公最上次爲司馬穰苴齊
景公時人次孫武吳闔廬時人次吳起魏
文侯時人次尉繚子皆與梁惠王論兵次
黃石公考索隱云詩緯稱爲軒轅之臣風
后後化爲老人見圯上授張良書文獻通
考載三畧爲圯上所授書風后之傳係小
說不經見不足爲據大凡神人僊者俱以

見時爲紀律當繫秦漢之間次乃李衛公

焉

古今將畧

元集

明時李馮時寧以一

冊

五帝

神農氏衰諸侯相侵伐炎帝榆罔弗能征於是
軒轅習用干戈以立不享諸侯咸來賓從榆罔
欲侵陵諸侯以侯益叛之軒轅修德振兵治五
氣藝五種撫萬民度四方教熊羆貔貅羆虎以
古今將畧卷一 五帝

與榆罔戰于阪泉之野三戰然後得其志。

太公曰大義發而萬物皆利。

司馬法曰興甲兵以討不義。

孫子曰善用兵者修道而保法。

吳子曰內修文德外治武備。

尉繚子曰刑以伐之德以守之。

黃石公曰務廣德者強。

李衛公曰師以義舉者正也。

軒轅氏因蚩尤好兵喜亂作刀戟大弩以暴虐
天下兼并諸侯貪欲無度炎帝榆罔不能制之
命居少顓以臨西方蚩尤益肆其惡出羊水。

九淖攻炎帝于空桑。炎帝遜居涿鹿。軒轅乃徵師諸侯與蚩尤戰于涿鹿之野。蚩尤作大霧。軍士昏迷。軒轅為指南車以示四方。遂擒蚩尤戮于中冀。因名其地曰絕轡之野。

太公曰：戰必以義者，所以勵衆勝敵也。

司馬法曰：負固不服，則受之。

孫子曰：先出合戰為正。

吳子曰：禁暴救亂曰義。

黃石公曰：聖王之用兵，非樂之也。將以誅暴亂，禁不義也。

李衛公曰：自黃帝以來，先正而後奇。先仁義而後權謀。

古今將畧卷一 五帝

二

帝舜曰：咨禹，惟時有苗弗率，汝徂征。禹乃會羣后誓于師曰：濟濟有衆，咸聽朕命。蠢茲有苗，昏迷不恭，侮慢自賢，反道敗德。君子在野，小人在位，民棄不保。天降之咎，肆予以爾衆士。奉辭伐罪，爾尚一乃心力，其克有勲。益贊于禹曰：至誠感神，矧茲有苗。禹拜昌言曰：兪！班師振旅。帝乃誕敷文德，舞干羽于兩階，七旬有苗格。

太公曰：信益天下，然後能約天下。仁蓋天下，然後能懷天下。

古今將畧卷一

五帝

三

司馬法曰：順賢臣，則民之。孫子曰：居人之兵，而非戰。吳子曰：殺之以道，理之以義，動之以禮，撫之以仁。尉繚子曰：戰者必本乎率身以勵衆士。

夏

夏啟立有扈氏怙強稔惡。敢與天子抗衡。因大戰于甘。乃召六卿曰。嗟。六事之人。予誓告汝。有扈氏威侮五行。怠棄三正。天用勦絕其命。今予惟恭行天之罰。左不攻于左。汝不恭命。右不攻于右。汝不恭命。御非其馬之正。汝不恭命。用命賞于祖。不用命戮于社。予則孥戮汝。

太公曰。吾觀其吏。暴虐殘賊。敗法亂刑。上下不賞。此亡國之時也。

古今將畧卷一 夏

四

司馬法曰。彰明有罪。

孫子曰。法令孰行。

吳子曰。內修文德。外治武備。

尉繚子曰。兵者所以誅暴亂。禁不義也。

黃石公曰。敵恃義之。

李衛公曰。以德守之。以刑伐之。

夏仲康肇位。命胤侯掌六師。義和廢厥職。酒荒

于厥邑。胤后承王命。徂征。告于衆曰。惟時義和

顛覆厥德。沉亂于酒。畔官離次。傲擾天紀。今予

以爾有衆。奉將天罰。爾衆士同力。王室尚弼。予

欽。小天子威命。火炎崑岡。玉石俱焚。天吏逸德。

烈于猛火。殲厥渠魁。竹從罔治。舊染汚俗。咸與惟新。嗚呼。威克厥愛。允濟。愛克厥威。允罔功。其爾衆士。懋戒哉。

太公曰。凡三軍以戒爲固。

司馬法曰。懲弱犯寡。則肯之以賢。言民則伐之。

孫子曰。凡戰者。以正合。

吳子曰。其有請降。許而安之。

尉繚子曰。明法勸令。學在於屠戮。

黃石公曰。服者后之。降者脫之。寃者原之。

李衛公曰。師以義舉者正也。

古今將畧卷一

夏

五

商

湯居亳。與葛為鄰。葛伯放而不祀。湯使亳眾往為之耕。葛伯仇餉。湯遂征之。東征西夷怨。南征北狄怨。曰奚獨後予。攸徂之民。室家相慶曰。徯予。后。后來其蘇。

太公曰。示之以仁義。施之以厚德。

司馬法曰。古者以仁為本。以義治之。之謂正。

孫子曰。上下同欲者勝。

吳子曰。義者所以因事立功。

尉繚子曰。王者伐暴亂。本仁義焉。○兵之所加。農不離其田業。賈不離其肆宅。士大夫不

古今將畧卷一

離官府。由其武議在於一人。故兵不血刃而

天下親焉。

黃石公曰。王者制人以道。

李衛公曰。正兵古人所重也。

商武丁內反。諸已以思王道。三年蠻夷編髮重譯來朝者六國。時鬼方無道。武丁伐之。三年乃

克。殷道復興。

太公曰。能建其以讓天道。

司馬法曰。負固不服。則侵之。

孫子曰。令之以文。齊之以武。

夫子曰。禁暴救亂曰義。

周

齊太公望。名呂尚。年八十餘。釣于渭水。西伯出獵。卜之曰。所獲非龍非彪。非虎非羆。兆得公侯。果遇呂尚於渭水之陽。與語大說。曰。自吾先君太公望子久矣。故號曰太公望。載與俱歸。立為師。

司馬法曰。舉賢立明。

孫子曰。輔周則國必強。

吳子曰。任賢使能。○能得其師者王。

尉繚子曰。舉賢用能。○賢士有合。大道可明

古今將畧卷一

周

七

黃石公曰。王聘儒賢。萬事乃理。王聘廉穴。乃可逆。○賢人所歸。則其國強。

呂望輔西伯。專謀修德。下賢惠民。以觀天道。其事多兵權與奇計。故當世之言兵。皆宗太公為本謀。

司馬法曰。古者以仁為本。以義治之。之謂正。

正不獲意。則權。○以禮為固。以仁為勝。

孫子曰。道者令民與上同意。

吳子曰。內修文德。○緩之以道。聖之以義。動之以禮。撫之以仁。此四德者。修之則興。

尉繚子曰。德以守之。

黃石公曰。王者制人以道。○務廣德者強。

周公朝諸侯於明堂制禮作樂頒度量而入下
大服南有越裳氏重譯來朝曰吾受命吾國之
黃耆曰天之無烈風淫雨海不揚波三年矣意
者中國有聖人乎蓋往朝之周公歸之於王使
者還迷其歸路周公錫以駟車五乘皆為向南
之制越裳使者載之由扶南林邑海際暮年而
至其國故指南車裳為先導示有以服遠人而
正四方

古今將畧卷一 周

八

太公曰仁之所在天下歸之

黃石公曰王者制人以道

周公因管叔蔡叔霍叔同奄君及武庚謀叛乃
作大誥奉王命以討之誅武庚管叔放蔡叔於
郭鄰降霍叔為庶人遂定奄及淮夷東土以寧

太公曰當殺雖貴重必殺之是刑上究也

所愛者有罪必罰

司馬法曰殺人安人殺之可也

孫子曰所加於敵則其交不得合

辛寅公曰周九伐之法以威不悅

周穆王將征犬戎祭公謀父諫曰先王耀德不

耀兵無勤民於遠王不聽竟征之得四白狼四

白鹿以歸自是荒服不至

司馬法曰以禮為固以仁為勝

孫子曰善用兵者屈人之兵而非戰也

信孫子曰兵者以武為備以文為用武為表

文為裡

周宣王命召公伐平淮夷中伯仲由甫喻德教
舉遺士海內翕然向風諸侯復宗周尹吉甫作
詩美之

太公曰大兵無制無甲兵而勝無衝機而攻

無溝塹而守

古今將畧卷一 周

九

司馬法曰凡民以仁救以義正

黃石公曰務廣得者強

孫子曰。能而示之不能。○卑而驕之。

楚伐隨。軍於漢淮之間。季梁請下之。弗許。而後戰。所以怒我而怠寇也。少師曰。必速戰。不然。將失楚師。隨侯禦之。望楚師。季梁曰。楚人上左。君必左。無與王遇。且攻其右。右無良焉。必敗。偏敗。衆乃携矣。少師曰。不當王。非敵也。弗從。戰于速杞。隨師敗績。

孫子曰。將不能料敵。○弱擊強曰北。
黃石公曰。敵強下之。弱有所用。
古今將畧卷一 春秋 主

隨少師有寵。楚鬬伯比曰。讐有彘。不可失也。楚子伐隨。隨師敗。獲少師。曰。天去其疾矣。未可克也。盟而還。

太公曰。存亡之道。命在於將。
孫子曰。將者國之輔也。輔周則國必強。輔衰則國必弱。
黃石公曰。亂將不可使保軍。

楚鬬廉會巴師。鬬鄧師救鄧。三逐巴師。不克。鬬廉橫陳其師於巴師之中。以戰。而北。鄧人逐之。背巴師而夾攻之。鄧師大敗。鄧人霄黃。

孫子曰。作北勿從。
黃石公曰。弱有所用。
李衛公曰。奔北不追。

鄧人軍於蒲騷。將與隨絞州蓼伐楚師。莫敖患之。鬬廉曰。鄧人軍其郊。必不誠。且日虞四邑之至也。君次於郟郢。以禦四邑。我以銳師宵加於鄧。鄧有虞心。而恃其城。莫有鬬志。若敗鄧師。四邑必離。莫敖曰。盍請濟師于王。對曰。師克在和。不在衆。商周之不敵。君之所聞也。成軍以出。又

古今將畧卷一 春秋 主

何濟焉。莫敖曰。卜之。對曰。卜以決疑。不疑何卜。遂敗鄧師。

孫子曰。上兵伐謀。○威加於敵。則其交不得合。
鬬孫子曰。明法審令。不卜筮而事吉。

楚伐絞州。軍其南門。屈穀請無扞採樵者。以誘之。絞獲三十人。明日。絞人爭出。驅楚役徒於山中。楚人坐其北門。而覆諸山下。大敗之。爲城下之盟而還。

太公曰彼將生驕必有其利。
孫子曰利而誘之。
尉繚子曰凡圖必開其小利。

楚屈瑕伐羅鄧曼曰莫敖徂於蒲騷之後將自用也必小羅其不設備乎。楚子使人追之不及。莫敖徇于師曰諫者有刑及鄢。亂次以濟且不設備羅與盧戎大敗之。

太公曰有剛毅而自用者。

司馬法曰行慎行列。

吳子曰備者出門如見敵戒者雖克如始戰。

○行列未定旌旗亂動可擊。

古今將畧卷一 春秋

古

黃石公曰亂將不可使保軍乘衆不可使伐人。

魯曹劌從莊公與齊師戰于長勺。公將鼓之。劌曰未可。齊人三鼓。劌曰可矣。齊師敗績。公將馳之。劌曰未可。下視其轍。登軾而望之曰可矣。遂逐之。既克。公問其故。對曰夫戰勇氣也。一鼓作氣。再而衰。三而竭。彼竭我盈。故克之。夫大國難測也。懼有伏焉。吾視其轍亂。望其旗靡。故逐之。

太公曰旌旗亂而相連。逆戎馬驚奔。兵車折。輒此大敗之徵也。

孫子曰善用兵者。避其銳氣。擊其惰歸。
吳子曰審察其政。亂則擊之。勿疑。
黃石公曰莫不貪強。鮮能守微。乃保其生。

晉荀息之族。偏士薦曰去富子。則羣公子可謀也。已遂與羣公子謀。譖富子而去之。又與羣公子謀。使殺游氏之二子。又使羣公子盡殺游氏之族。乃乘城而處之。盡殺羣公子。

太公曰。欲離其親。因其所愛。

荀子曰。不男在於受間。

古今將畧卷一 春秋

古

虢人兩侵晉。晉侯將伐虢。士薦曰不可。虢公驕。若驟得勝於我。必棄其民。無衆而後伐之。欲禦我誰與。

太公曰。因其所喜。以順其志。苟能因之。必能去之。

司馬法曰。國雖大。好戰必亡。

晉荀息請以屈產之乘。與垂棘之璧。假道於虞。以伐虢。虢滅師還。並虞滅之。

太公曰。賂以重寶。因與之謀。謀而利之。利之必成。

季子曰：利而誘之。
尉繚子曰：禍在於好利。

齊侯伐楚，楚子使與師言曰：君處北海，寡人處南海，唯是風馬牛不相及也，不慮君之涉吾地也。何故？管仲對曰：昔台康公命我先君太公曰：五侯九伯，女實征之，以夾輔周室。賜我先君履，東至於海，西至於河，南至于穆陵，北至于無棣，爾貢包茅不入，王祭不共，無以縮酒。寡人是徵。昭王南征而不復，寡人是問。對曰：貢之不入，寡

古今事考卷一

春秋

去

君之罪也，敢不共給。昭王之不復，君其問諸水濱。楚使屈完如師，師次于召陵，齊侯陳諸侯之師，與屈完乘而觀之。曰：以此眾戰，誰能禦之？以此攻城，何城不克？對曰：君若以德綏諸侯，誰敢不服？君若以力，楚國方城以為城，漢水以為池，雖眾無所用之。屈完及諸侯盟。

太公曰：示之以仁義。
司馬法曰：典甲兵以討不義。
季子曰：善用兵者，屈人之兵而非戰。
吳子曰：一日義兵，義必以禮服。

尉繚子曰：凡兵有以道勝。
司馬公曰：務德者，勝者也。

秦伐晉，晉侯乘小駟，鄭入也。慶鄭曰：古者大事，必乘其產，生其水土，而印其人心，安其教訓，而服習其道，惟所納之，無不如志。今乘異產，以從戎事，及體而變，將與人易，進退不可，周旋不能，君必悔之。不聽。戰于韓原，百戎馬還泞而止，秦獲晉侯以歸。

太公曰：汗下濕澤，遂遇新澗，此明之患也。
司馬法曰：馬不告良。
古今事考卷一 春秋

吳子曰：夫馬必安其處，所適其水草，其目無令驚駭，習其馳逐，則其速止人馬相親，然後可使之。

宋公及楚人戰于泓，宋人既成列，楚人未既濟，司馬曰：彼眾我寡，及其未既濟，請擊之。公曰：不可。既濟而未成列，又以告。公曰：不可。既陳而後擊之。宋師敗績于魚。曰：君未知戰，勅師之人，隘而不列，天贊我也。阻而鼓之，不亦可乎？猶有懼焉。